

澤雅堂詩二集

澤雅堂詩二集卷十三目錄

留別朗公

留別嚴紫卿

屈爾蓋至瑪納巴什途中作

薩依里克題壁

途閒偶讀邸抄感念時事兼述已懷

次托和爾感行役之勞大書屋壁

輪臺歌

馬上

題烏沙塔拉貢玉上

冰達坂

過賽里木

二十一日至蘇巴什甚熱

戲作火州歌贈黃芸軒司馬

七克騰木題壁

東鹽池題壁

交情

用前韻

再用前韻

贈夏康侯

苦水題壁

馬上望紅柳驛

題嘉峪關驛壁

道出張掖將謁渭臣軍門先以詩道意

謝寶林太守威鳳邀游泉湖卽席有作

澤雅堂詩二集卷十三

烏程施補華均父著

留別朗公三律

白髮三千丈青山十二時  
愁多催老易情重乞歸遲  
又擬朝正使長吟入塞詩  
朝朝陟岡嶺回首望旌旗  
晨策南山色宵征北斗光  
夢回冰月滿心定火風涼  
邊事餘聞見朝官有輩行  
燕臺一樽酒知不笑傖荒  
萬派崑崙水隨余晝夜東  
好留雙眼待但恃一心同  
霄漢雲何幻功名日再中  
相逢韓吏部應識李端公  
留別嚴紫卿

東馬巖徐各計偕天涯離席酒如淮出門時日多於髮  
上馬風雲忽入懷肝膽論交餘爾我田園歸老更安排  
具區分占東西岸菰飯藟羹一樣佳

屈爾蓋至瑪納巴什途中作

征夫畏炎蒸上馬天將夕落日烘行雲猶作半空赤高  
低沙阜連重複水渠隔夜入胡桐林陰森途路窄雄雷  
時一鳴閃閃電流白飛蚊如急雨迎面亂投擲皮肉供  
刺鑽兩手不足拍猝爲小物困才力窮相格長風湧波  
濤翻動鮫人宅萬竅驚叫號百惱頓消釋小物徒轟轟  
一掃竟無迹野店月蒼涼四更知候客

薩依里克題壁

馬頭喜見月彎環好與征人共入關  
野闊天長微著樹  
河斜烟曉遠浮山功名已誤蟬雙鬢  
文字空留豹一斑  
試憶茗谿最深處沙鷗水鴨不勝閒

途閒偶讀邸鈔感念時事兼述己懷

萬里東歸兩鬢霜黃風赤日夏天長  
留田將罷諸軍戍  
下馬重尋百戰場幕府籌邊曾慷慨  
輪臺懷古更蒼茫  
相逢西事無勞問鮭菜從今就庾郎

黃塵拂拂滿征衣消息南來孰是非  
奇計乍傳摧象戰  
老懷又說感鳶飛錢空少府頻年積  
星動諸侯永夜輝

莫信珠崖工作奏君房議論與時違

百六旋過政令新麻姑猶歎海揚塵肯緣南越寬楊僕  
又爲東甌遣買臣起陸龍蛇方戰鬪和衷洛蜀共經綸  
上書言事人才出若箇封侯號富民

塞外衣冠集勝流偏容閑客似閑鷗從來禮數過嚴武  
更許功名到馬周人事天時誰了了宦情歸計總悠悠  
道逢鄧禹應相笑漢世三公半黑頭

次托和蘄感行役之勞大書屋壁

晝息作夜行眠食俱顛倒男兒在道途焉得不速老晝  
息亦可憐糞壤日杲杲對案先驅蠅敲牀頻撮蚤神煩



求意適萬一夢來好居家身是寶出門身是草寒暑須  
自防辛苦向誰道僮僕困奔馳熟睡不待飽貴賤或攸  
殊同愧安巢鳥門戶妻能持啼笑孫堪抱嗟爾遠游人  
上策歸耕早

輪臺歌

胡麻葉大麥穗黃百株垂柳千株楊東村西村通橋梁  
雞鳴犬吠流水長養蠶作繭家滿筐種豆繞籬瓜繞牆  
趁墟日出驅馬羊秧哥雜沓攜巴郎懷中餅餌牛酥香  
巴郎漢語音琅琅中庸論語吟篇章阿渾伯克衙前忙  
分水僱役兼徵糧衣冠大半仍胡俗郡縣從新隸職方

輪臺之悔思漢皇窮兵西域晚自傷後來岑著作歌詞  
尤慨慷城頭吹角雪茫茫邊風夜吼不可當一川碎石  
挾之舞悞驚羣燕翻空翔至今誦之心悲涼荒徼忽變  
豐樂鄉天時地氣應蕃昌輪臺之歌我繼作人間何處  
無滄桑

馬上

十日九雷雨新涼馬上生飛來一片月天畔照人行野  
曠樹陰直灘迴水勢橫臨風頻作噫若箇念宵征

題烏沙塔拉貢玉上

芟芟草長難覓路蘇蘇柴老好供差棉衣絮帽寒侵骨

六月天山雪吐花

乾隆皇帝太平年卻貢曾將巨寶捐一樣道旁長棄置  
勝他清淚滴銅仙

冰達坂

一川突出兩山擁萬石縱橫水力勇水掀石怒石亂動  
石拒水猛水倒涌石似轉輪水飛汞白日雷霆繞四蹠  
馬行川上時驚竦

水飛石轉轟如雷眾壑助以秋風哀對岸人家圖畫開  
碧畦翠樹波潑洄打魚鄰里時爭隈雞聲人語相聞熟  
咫尺無由通往來

過賽里木

西域之國三十六姑墨當今賽里木劉平國碑我所搜

編入趙家金石錄

趙搆叔作金石續錄

永壽三年作四年改元恩

詔阻遙傳龜茲烏壘長懷古策馬亭亭漢月圓

抵蘇巴什甚熱

小驛蘇巴什由來險莫論南山圍似幃西域鑿爲門風

熱蠅仍擾泉枯草不繁勞人自今古石上認車痕

戲作火州歌贈黃芸軒司馬

帝赤燦怒主威斷炎官赫胥交相贊赭龍衙衙行天半

西歷高昌有推按貪酷之罪應早暎命地爲鑪山作炭

熱風燒空宵復旦  
交河胡鬼愁焦爛  
廉吏冰心終勿泮  
鬱燠當之稍解散  
栽花繞屋書堆多  
官齋晝坐衣不汗  
七克騰木題壁

百事蹉跎兩鬢絲  
出關未早入關遲  
鹿皮歸隱非無策  
燕頰封侯各有時  
荒店喚人塵漠漠  
野田尋路草離離  
攜來一勺崑崙水  
不洗徐凝壁上詩

折坂顛崖道路難  
浩歌東去一心安  
天誇怪怪奇奇狀  
我作平平坦坦看  
世事尙憑肝膽壯  
生涯猶有水雲寬  
緣知位置斯人處  
不遣垂綸卽據鞍

東鹽池題壁

石路崎嶇沙路長  
夜風颯颯滿車箱  
輦裘細葛過三伏  
瘦馬羸童共一行  
殘夢如雲頻斷續  
曉星無月獨輝光  
壯心未已愁腸少  
多謝千山似劍鉞

登車猶趁夕陽薰  
抵舍俄驚曉色分  
棲堞寒雞初引子  
卸鞍疲馬自呼羣  
夜來山冷疑團雪  
老去心長愛看雲  
天下奇男羞自薦  
叩門還謁李將軍

將過哈密謁  
劉帥故云

交情一首

老傍關山命太勞  
醉拈詞筆氣猶豪  
雲開萬壑生鱗甲  
風勁三霄刷羽毛  
游記已窮西域遠  
移文真愧北山高  
交情最憶張車騎  
慷慨離筵脫寶刀

用前韻

懸弧身命敢辭勞磨盾文章不自豪沙石路平山有尾  
薪芻價貴地無毛傷蹶歷塊行尤穩倦羽盤空起漸高  
親舊相逢應咎我天涯未試割雞刀

再用前韻

憔悴東飛似伯勞難同鵬健與鷹豪感時到處詩張膽  
投謁頻年刺吐毛薦士倘逢王伯厚好龍休憶葉公高  
妖腰亂領誇橫海五夜摩沙大食刀

贈夏康侯

平生夏安化略似六朝人佳句閒中拾狂言醉後真馬

曹一官小驢背十年貧萬里重攜手同嗟白髮新  
余亦不得意新從絕塞歸空餘倚天劍未辦種田衣日  
月催人老蛟龍挾海飛茫茫感身世別淚爲君揮

苦水題壁

苦水非苦水征人淚化成往來傾一勺世味自分明  
馬上望紅柳驛

晨征將百里東望野茫茫沙輭馬蹏澀日斜人影長一  
邊山盡赤七月草全黃聞道流泉美潺湲古驛旁

題嘉峪關驛壁

回首崑崙萬疊山黃沙白草幾人還名心我比班超少



不待封侯已入關

道出張掖將謁涓臣軍門先以詩道意

奇士喜談兵兵法略通曉名將愛吟詩詩律最精好由  
來兵與詩二事同一巧四正出四奇變化窮意表後先  
齊步伐進止識旗旒號令屹如山輕騎安能擾忽然星  
散亂復作雲繚繞靜疑處深闐閒若棲幽島慘淡鬼神  
入飄瞥風電埽陰陽聽指揮耳目隨顛倒兵機合詩訣  
一笑心了了韓蘇倘用兵上馬勛名早孫吳與賦詩下  
筆風格老是知甯鄉公探驪珠在抱景宗誇競病未免  
拾鱗爪

奉檄從西來東下五千里天山如墮龍拊背躡其尾鱗  
甲分破碎倔強沙泥裏海白冰月生天赤火風起賦詩  
聊紀行初不計雅俚偶然出奇作勝獲上官喜馬上自  
長吟僮僕笑不已玉門逢老唐詞筆清如洗酒泉識大  
謝吐語尤雄偉風塵與論詩往往乳投水把卷忽狂歌  
脫略衣冠體英英公鄉人塞上得雙美終讓髯將軍騷  
壇執牛耳

我雖喜作詩而實非詩人常時感時事肝膽殊輪困議  
論遭世忌託之詩與文萬里客諸侯白髮日夜新行年  
已五十媿作朱買臣沾沾計富貴徒使閩中瞋近作萬

言書慷慨將上聞憤彼佛郎機要求出無因風輪駕火  
艦游弋漳泉濱意欲縛乖龍截其橫海鱗波濤不敢鼓  
弭尾從茲馴戰以揚

國威和亦知

皇仁公有濟時略此議當何云

河西名勝區聞道一園最張侯及楊侯經營百年外摧  
頽回紆亂公復擁旌旆雄深起堂宇荒翳翦蓬艾古木  
再青葱清流仍映帶公餘書細讀客至酒微醉蔚然崖  
壑閒秋聲若竿籟我來思一游萬里洗塵壒觀公鬚髯  
古矯矯如霜檜暫陪吟嘯樂默念風雨會天地正瘡痍

幸公長自愛

謝寶林太守威鳳邀游泉湖卽席有作

昔在酒泉城曾飲酒泉水冷泠城東隅一泓最清泚萬  
里歸來八月初酒泉拓作千頃湖輕萍細浪泛舟入眼  
中忽有胸中無正如幼女在窮巷當時但覺眉目殊數  
年不見百媚具婉麗竟化傾城姝嫣然顧笑舊相識倩  
妝素服來迎余沙鷗野鴨起窺客水風瑟瑟搖菰蒲轉  
棹中流渺空闊虛明一片不可摹邊愁客恨付烏有洗  
出肺腑如冰壺鞞紋滿面今異昔顧影未免心躊躇酒  
泉太守好事者小亭高築如樓居盡納湖光入窗牖清

坐綠淨生衣裾。搗來謝職尙流寓。持竿日日來嬉娛。青  
鞵布襪人不識。喚作烟波新釣徒。喜我生還一尊勸酒  
人。三五相與俱興豪。不論戶大小。一斗一石窮飲呼酒  
闌。旁睨雪色壁。惡詩醉墨淋漓汗。太守狂吟口流沫。他  
年雅集應成圖。人生聚散浮雲改。此詩此水應長在。歸  
心浩蕩洞庭山。客夢迷離星宿海。

澤雅堂詩二集卷十四目錄

古浪峽

黑松驛

烏梢嶺

積雨

中秋行次永昌寄渭臣軍門

重過六盤山

游牛頭寺謁少陵祠堂

曲江

登慈恩寺塔

杜曲止周氏田家

長安行次喜聞朗公奉 詔入關移師海防

將之中衛迎候朗公留別孫宜生二尹韓文甫都督

窑店

固原曉發

馬上

次中衛縣

同李朗如劉實夫鮑賦芹登中衛城玉皇閣

朗公奉 詔入觀將由涼州沿邊趨晉之徐溝書

來囑余自中衛踰隴度秦會於徐溝除夕行次  
蒲州作



澤雅堂詩二集卷十四

烏程施補華均父著

古浪峽

東下八千里長行沙石間驚心到黃葉照眼忽青山

塞外

山多枯瘠至此始青

岸束飛流湧崖傾細路攀人家在林際雞犬

自安閑

黑松驛

五里十里雨浪浪騎馬蕭然行澗岡水深泥濁丐湯沐  
日暮天寒呼酒漿孤犬當門黑吠影疏鐙倚壁青搖光  
高歌夜半驚山鬼崖谷四應秋聲長

烏梢嶺

入關眞喜幸度嶺獨艱難十里不勝遠三冬無此寒陽  
坡泥滑滑陰澗雪漫漫下界秋方好青林立馬看

積雨

積雨亦云歇層陰殊未消爛泥糊后土急溜斷官橋  
破烟猶溼窗虛風自搖青雲思羽翼黃髮羨漁樵

中秋行次永昌寄渭臣軍門

昔作將軍報名園約一過秋風歸國晚老樹閱人多遂  
下留寶榻眞投講藝戈那無三宿戀安樂此行窩

精舍綠林起長橋駕水成一園堪養疾百戰不言兵愛

士心仍熱看花眼最明興來揮麈尾談笑卽書生  
道勝憑爭席時清早放衙異書花外讀佳句酒邊誇勛  
業催雙鬢詞章媿一家殷勤終日對猶自樂賓嘉  
西顧山戎定東來海寇侵奇勛在黔蜀逸興偶園林宿  
將銷亡半

中朝記憶深丹心還秉鉞華髮漫抽簪

別緒紛難理交情迴不疏齒傷千里馬心許萬言書林  
響宵談後池光曉泛初勝游無限好上馬一躊躇  
躊躇官事急東下永昌城心似中秋月光流大將營客  
愁通馬語鄉夢誤雞聲敲枕知相憶鐙花落更生

重過六盤山

自我游崑崙眼界始一放歸登六盤山氣勢猶雄壯大力足包襄矗立絕依傍道行旋螺中身出飛鳥上積風聲浩浩萬壑皆東向河隴秋氣高蕭森不可狀千里連終南蒼然遠相望輕雲籠曉日光景久摩盪金烏忽踴躍崖谷皆清亮立馬重徘徊天宇極寥曠嗟哉好水戰往事增悽愴區區葛懷敏甯足當大將軍中有一韓此語抑何妄元昊狂小子曾未遭大創翻因節制違遂致師徒喪瓦亭隔烽烟白骨無人葬戎人好變亂天性亦俗尙竭來回紇反慘痛民未忘乞降暫思息貌誠心自

誰兵力安可虛吏泊更宜仗憑高念今古欲語知誰諒  
川原莽回互執策空惆悵

遊牛頭寺謁少陵祠堂

西來一萬里行色頗勞瘁霜風吹客衣又上牛頭寺將  
衰恃腰腳要極山水事常恐怯登臨一日龍鍾至城南  
多勝游韋曲著名最茲寺隱山隅結構多荒廢古佛塵  
濛濛殘僧有三四其旁杜公祠庠豁占初地終南浮戶  
牖冥冥開紫翠百里俯蕭條木落川原大棟宇幽以深  
遺像中安置依然太瘦生刻畫見真意少陵我所師再  
拜興感愾壯游旣東歸中書試文字自謂挺出姿要津

堪立致騎驢十三年青冥尙垂翅晚爲韋曲游但恨花  
無賴白髮映青樽放情期物外是時曲江頭遊宴恣荒  
會三郎歌得寶諸姨工獻媚衣裳如雲霞五色成一隊  
湯泉虬蜿蜒沙苑魚神異嗟哉瑤池飲秦山忘破碎丈  
八溝將平尺五天疑墜憂心熱如焚欲諫賤無位鉤衣  
石角憎刺眼藤枝礙寓言眞十九卽事陳忠愛倉皇范  
陽叛鼙鼓驚海內宮闕化爲烽君臣共狼狽羌村覩妻  
孥同谷思弟妹飄零託幕府親友參疑忌官人劍外冷  
回首盡關塞放舟觀衡湘奄忽留遺蛻故里桑麻田未  
獲親負耒昔我經亂離幾死乃一再方知公詩眞字字

眼中淚平生稷契身古今亦相類霜雪滿髭鬚到老功  
未遂東南海欲飛蛟鼉噓怒氣毒甚蝮蛇遊拔劍思一  
試觴詠歷千春魂魄應長寄徘徊叢竹閒談笑如親對  
僧院再鳴鐘斜陽在松檜騎馬獨歸來衣襟垂涕泗

曲江

麥隴蔬畦十里開行人猶說曲江隈黃迷花萼樓前草  
黑認芙蓉苑裏灰箭中雙飛王母笑衣分五色麗人來  
至今無限滄桑感惟有哀鴻一樣哀

登慈恩寺塔

獨游趁短景三日城南皋歸過慈恩塔矗立疑相招蒼

亭三百尺直上腰脚勞俯視見千里始快憑依高孤標  
仰盤鵲危踐嗟升猱中休怯堪哂窮歷勇勿撓七層日  
淡泊四啟風蕭條是時冬十月天宇正廓寥終南瘦露  
骨青峭撐烟霄屹然偉丈夫氣壓羣兒驕八水細繚繞  
五陵微嶢嶢川原帶城郭起伏如波濤蒼然一氣中遠  
極隴蜀交十年經寇賊民戶同霜凋貧苦入無賴走戟  
還跳刀弭禍與發難治亂隨所操海水東南飛兵聲一  
何囂所賴西北隅倦鳥能安巢日月在戶牖天聽誠可  
邀登臨寄感慨今古各有遭岑杜不再覲作者餘吾曹  
喚起三藏師灑落看揮毫



杜曲止周氏田家

市隱藏名姓巖居似洞天  
窗中看杜曲樹裏出樊川  
白酒堪留客青芻不取錢  
鄉人無限好惆悵未歸田

長安行次喜聞朗公奉詔入關移師防海

萬里長思奏凱回

九重眞下

詔書來入關天遂班超願表海人稱呂望才搖蕩蓬山  
鯨尾浪飛騰葱嶺馬蹏雷天時人事遙相應難怪鎗花  
夜夜開

長征似爲作前驅十日青門意興殊

新命將頒天北極先聲已遍海東隅從歸將士功名始  
送別邊民涕淚俱一笑麒麟高閣上書生可入畫圖無  
將之中衛迎候朗公留別孫宜生二尹韓文甫都督

黃河東去我西還攜手將軍喜入關帳外雪花如掌大  
一樽遙勸賀蘭山

可笑嶽奇歷落人暮年猶作轉蓬身貂裘狐帽西風暖  
不換鴛鴦翠被春

將軍天外竟飛來銀甲如霜映月開醉倚營門看北斗  
登高不上李陵臺

海水羣飛百丈餘相從火急治軍書韓門籍湜真吾輩

猶有文章走鱷魚

別酒沈沈且自斟  
白頭師弟倍情深  
摩挲鈍劍苔如繡  
知有荆軻一片心

他日菴溪放棹回  
風流二老笑言開  
煩君淨洗刀頭血  
割取乖龍左耳來

韓君颯爽見英姿  
龍額封侯此一  
時別有因緣到  
文墨  
弓衣要繡老夫詩

窑店

纔喜東歸又向西  
霜天暮色冷淒淒  
鴉偃殘照猶翻翅  
馬蹴輕冰不受蹶  
山市酒渾充白墮  
地鑪火暗撥紅泥

宵長夢短行程促睡起鄰雞始一啼

固原曉發

雄雞一聲客已興上馬落月如殘燈口鼻氣結鬚鬣冰  
霜風刺面刀稜稜皮肉破碎流血凝僮奴口噤呼不聲  
神淒色死真凍蠅日光穿漏雲層層荒陂小店松毛棚  
白酒直須乾十升

馬上

車中閉置愁新婦馬上行吟笑老翁誰信一鞭風雪裏  
山河遙數九邊雄

次中衛縣

胸中熱血吹不冷急景凋年遠馳騁風攪黃河凍未堅  
騎馬踏冰心膽猛麒麟難畫好容顏衰白從軍萬里閒  
三十六城行歷歷山谷句還來飽看賀蘭山

同人登中衛城玉皇閣

萬里歸來白髮增攜朋還上最高層黏天衰草風催雪  
抱郭長河浪擁冰百尺危闌望立鶴九邊寒色下蒼鷹  
凱歌遙向西陲唱士馬臨關盡飽騰

朗公奉 詔入覲將由涼州沿邊趨晉之徐溝書來囑  
余自中衛踰隴度秦會於徐溝除夕行次蒲州作

賀蘭山色不留人風雪殘年又過秦車馬慣勞如室處

兒童屢見當鄉親棄襦已媿潼關吏飛劍猶驚華嶽神  
臥聽滿街簫鼓鬧蕭疏霜鬢一年新

報書星夜入長安故老傳聞議築壇今日朝廷思李牧  
舊時賓客召馮驩三更茅店聞雞舞萬戶桃符策馬看  
正喜出關春色至太行山下雪泥乾

曉渡黃河雪滿船晚依蒲坂度殘年遊山作記徐霞客  
把酒澆詩賈浪仙小隊弓刀迎塞上故園兒女憶燈前  
興來爲寫宜春帖吉語應先捷奏傳

澤雅堂詩二集卷十五目錄

愛伯同年招飲卽席有作

獨游謝公祠作

爲方勉甫題邵位西先生遺詩冊

答愛伯

答朱桂卿福詵編修

題方小泉二圖

詠史

感事三首視愛伯

贈田子駿觀察

明公中丞邀諸從事十刹海觀荷花卽席作

題袁昶重黎一鉢集

答袁重黎

雜詠

南顧

同李端遇郝同箴兩吏部良觀察游白雲觀贈高道士

答孫孝廉卽用其韻

中秋與王醉香郝仲賡夜坐

梁星海鼎芬編修以言事下遷聞其南歸作詩送



2

1875-1876

1877

澤雅堂詩二集卷十五

烏程施補華均父著

愛伯同年招飲卽席有作

萬里西來一笑迎，舊人同覩米嘉榮。  
酒澆燕市愁中月，詩帶陽關意外聲。  
枯蠹乾螢餘宦味，小桃初柳各風情。  
家鄉祇隔江如帶，相約歸蓬箬葉輕。

獨游謝公祠作

回首崖山浪拍天，新詩誰寄北來船。  
憫忠寺古魂堪託，卻聘書成命已捐。  
花淚正含三月雨，草心猶卷六陵煙。  
竹廊苔逕無人過，啼鳥聲聲類杜鵑。

爲方勉甫題邵位西先生遺詩冊

冊凡二一先生寫爲沈文忠壽一寫詒勉

甫

老輩風流溯道光東南文獻賴公長功名自讓曾丞相  
節義終隨戴侍郎兵事倉皇孤障沒禮書零落曲臺荒  
東陽又死封豕寄一讀遺詩淚數行

貞元朝士久凋疏展卷還疑撰杖初儀部感成先友記  
衡山親作幼于書劫灰飛盡名仍在故紙留傳錦不如  
捧手老先吾未晚廿餘年事話欷歔

戚豐已未赴省試偕姚君子展一謁

先生閱二年先生殉節矣

答愛伯

咄咄世閒事長安酒易賒有情攜滿月無賴醉初花愁  
付風吹水歡如客到家興公方在坐一賦赤城霞

答朱桂卿福詵編修

五年爲上客何止吐車茵偶揖將軍重旋逢丞相暝歸  
來餘白髮老去戀青春一醉櫻桃樹花間孰主賓

仙曹仍逸興翰苑自清才感事三山震憐余萬里回未  
容橫海去聊爲惜花來豔色如佳句能令倦眼開

題方小泉二圖

一海外推枰一天山返  
轡皆爲英果敏公作

壽州方君示我丈二之畫圖許我題詩其上醉墨淋漓  
汗展圖兩幅聯爲一大卷坐覺天山晴雪片片飛坐隅

前幅何所畫北庭官舍嗟荒蕪殘棋零落未收拾獨立  
遠望心躊躇後幅畫更悲打包歸去孤客孤貂裘狐帽  
走相送長語尙欲留斯須男兒萬里一身身已老知己  
相逢苦難早暇日方陪別墅棋斜陽又哭秋墳草噫吁  
嘻豐城劍長銷沈伯牙琴無古今未盡十二局淒涼才  
士心敲廊竹菱近榻苔侵鬼嘯室兮猿啼林白日墮兮  
風蕭森獨蒼茫而憑弔淚浪浪其沾襟感莫感兮窮相  
知悲莫悲兮死離別拂衣騎馬吾欲東肝膽如今向誰  
熱吁嗟乎肝膽如今向誰熱我詩亦感知音發變徵聲

高心斷絕

詠史

當國誠難退更難中書咄咄伴堂餐清名頗亦推楊綰  
大事何堪作呂端橫海功虛緣算少和戎策好恐盟寒  
年來少府金錢盡贏得中宵仰屋歎

卷甲東西百戰來虛聲猶動馬蹏雷出師有表孤忠見  
聖海無功暮氣催德遠一生多囁語子儀諸子況奴才  
敵人要問橫磨劍晚作黔驢亦可哀

今代麒麟第一功廿年持節見威風忍觀世事如棋局  
肯爲人才備蒞籠和議每寬長腳相令名期保黑頭公  
但書紙尾隨干木卻與賢侯畫諾同

理財未免師安石命將如何薦化貞終爲給軍心慘澹  
屢爭款敵氣崢嶸才名正恐高爲累經濟還期老更成  
安得中書參政事握虵騎虎佐彭城

上書言事意徘徊今日城門詖蕩開反汗難求哀痛詔  
澆愁頻舉聖賢杯豈無空谷容逃遜從此狂瀾失挽回  
仰屋老臣誰告訴明朝知有諫章來

感事三首視愛伯

輕葛無端換輭裘全軍已作半年留憂時議論空文社  
垂老光陰付酒樓走馬西來天易近側身東望海橫流  
徒隨虎豹當關猛未制蛟龍鼓浪愁

旄頭煜煜玉京旁  
王母憂垂兩鬢霜  
上將招搖供宿衛  
小夷黠曼息飛揚  
看花徧歷摩登室  
下馬同游傀儡場  
休說從軍多樂事  
思奸旗鼓抗顏行

尻高首下吏無能  
戎幕年年白髮增  
吾輩拙於藏霧豹

故人清似看雲僧

謂愛伯同年

恥謀生產猶朝氣  
解賦閑情

亦壽徵不分善人  
鄉里老據鞍顧盼  
意飛騰

贈田子駿觀察

三十年中萬劫過  
長留老眼閱兵戈  
並時將帥晨星少  
垂暮功名夕照多  
未肯短衣隨李廣  
猶能善飯勝廉頗  
夜涼同踏中庭月  
太白森森奈爾何



湖公中丞邀諸從事十刹海觀荷花卽席有作

好雨初晴載酒過亭亭千柄出風荷嬌紅正映昭陽日  
新綠平分太液波卷幔詩情橫碎錦解衣香氣襲輕羅  
中丞張蓋將行水官柳敲斜指

御河

謂奉旨開城河事

題袁昶重黎一鉢集

雙槐交戶夕陽綠臥讀漸西村叟詩功名穴蠹夢復夢  
文字箔蠶絲引絲一瓶一鉢覺來好某水某山歸去遲  
清風灑然庭宇淨起看山梔花滿枝

答袁重黎

有形何處可逃役貴賤營營同百年萬事浮雲聊閱世  
一心止水卽通禪彭殤易盡我長在茶薺無窮天自全  
空堂偶作駱駝坐鳥語花開誰使然

雜詠

吳興館裏百年槐一樹繁華一樹摧今歲亭亭雙翠蓋

清陰似爲老夫來

館中枯槐再榮

嚼蠟橫陳半世過忽將脂粉破禪和誰知日飲忘何意  
一笑風情老更多

吾輩誰如張叔憲

度

閉門冉冉雪盈頭不知滄海無窮

事自寫谿山作卧游

情深情淺奈情何作繭春蠶自縛多覽鏡時時語田九  
良功名兒女足消磨

朝籍猶留五品官年年閉戶守叢殘病中自識天台路

手曬僧鞵尙未乾

謂愛伯

老費濡毫工作字

費兆錕比部

小朱側帽喜填詞

朱文炳通守

西

鄰更有王夫子

王蘭比部

來亦無言去最思

箏人酒客日同游誰省胸中一段愁偶作新詩傷近事

含毫自比晉陽秋

小雨纔過嫩日斜城西寺寺綠陰遮竹簾藤榻清涼甚

卻笑山僧未出家

白首蹉跎五十春功名還許畫麒麟  
明知日者言無據猶可房幃賺婦人

天桃幾樹倚風斜齊放劉郎去後花  
輪與天台窮衲子

年年飽看赤城霞

愛伯喜霞芬  
時時呼飲

春來耽誤看花行僧院霏霏半落英  
莫信美人遲暮感

臨風一顧尙傾城

三月間同人極樂寺  
看海棠已半謝矣

騎馬豐臺數客俱牡丹千朵玉盤盃  
賣花翁媪殷勤甚

可有生兒字曼殊

歎息文人胡稚威生前不偶死無歸  
孤墳隱隱殘碑失

才鬼飄零亦苦飢

胡稚威墓在永定門外墓存而  
碑已失今春同子駿一訪之

講和籌戰

廟謨遵世事如棋局局新萬里一軍迷進退未容長作  
馬流人

橫海樓船一炬空軍威未極國書通肯行魏絳和戎賞  
卻敘孫歆報捷功

洗甲無能竟荷戈鼓山風浪擁蛟鼉胡牀如意今安在  
諸葛淒涼帶汁多

昆明百戰馬如飛翠作屏風玉作圍身後光輝勝新息  
沙場眞得裹尸歸

聯翩幕府薦章來豈爲遺賢在草萊中晚儘多崔祐甫

知從親故取人才

元菟樂浪事紛紜  
鴨綠江頭駐萬軍  
一寸桑田原有主  
天吳海若漫平分

玉宇瓊樓百尺闌  
上清居處最高寒  
如何下界魚龍戲  
也奉瑤池阿母看

鼓柁蓬萊百頃池  
神仙笑語有人知  
三千弱水流清淺  
纔過蛟鼉踏浪時

南顧二首

獅社兵橫海羊城  
水拍天二儀餘殺氣  
百戰接凶年殘  
息爭嘯樹流屍  
觸船

九重先振貸

南顧極哀憐

桂管連邕管

虎千軍罷龍

同李端遇郝

士

奕曠始娛人

生學莊周斯

動郊墟晨夕

濛濛初日

卷一百一十五

年雨更淫災疑貪吏造患甚狡夷侵  
萬竈沈直將憂亂意并作救荒心

箠兩吏部田良觀察游白雲觀贈高道

者已不勝至人有天游往往收視聽平

尚難證養真少元理導適有佳興涼氣

辨塗徑碧渟新水滿翠合遠山暝雨霽烟

未瑩道院幽以深花木皆蒼潤靜聞戒室

香清

法壇磬園蔬美可茹山果鮮堪媵疏髯高道人

對客

烟儁中夜存黃庭功力頗精進遙遙邱與王晚

近宗風

以我爲道人言卷婁毋效舜連駢戶外屢保汝

苦酬應

焚而明煎未若尸居順負舟夜半趨藏壑亦

徒愼嗟

嬰兒色豹毅同一瞬谷神長不死宵默理堪

信瞽童

是知罔象珠能認尻輪駕神馬六合周流迅

朋游顧

天談道無乃佞周妻與何肉區區以身徇安

能吹劍首

映如戴晉彈琴四坐寂滄茗孤懷醒益池

水芙蓉亭

丁午風定

答孫孝廉

一用其韻



萬里天山一喇通歸來訪道過崆峒偶編腳氣成初集  
新署頭銜作七翁飛鷓榆枋聊自小亡羊臧穀亦差同  
匣中鈍劍囊中筆共有光芒似爛虹

年來龍戰血立七靖亂如聞賦我將射虎藍田驚石破  
屠鯨碧海息瀾狂八家願占三分水文字空留半段槍  
公輔相期吾豈敢七中衰髮已浮霜

自信嵇康七不堪猶將衰暮託戎驂詠蟬如見淒涼意  
捫蝨仍聞慷慨談飢鳳祇應鸞共惜秋荼終與薺同甘  
陸沈謂我丸常弄略似宜僚在市南

中秋與王醉香郝仲麇夜坐

陶居猶得近蓬萊夜對仙曹笑語開河漢無波雲卷盡  
乾坤如鏡月飛來銅壺坐聽三更漏玉尺堪量一輩才  
卻語去年今夕事永昌城下獨銜杯

梁星海鼎芬編修以言事下遷聞其南歸作詩送之  
別酒長安細細傾歸心已繞五羊城

聖恩尙許留鞶帶臣耳從來媿鼎鑄識字耕田聊養拙  
感時論事更持平玉堂金殿今天上夢裏觚稜照眼明

澤雅堂詩二集卷十六目錄

乙酉九日袁重黎昶沈子培曾植邀同王逸吾先  
謙李愛伯慈銘及余游崇效寺卽送逸吾江蘇  
督學余以事未赴作詩道意

偶作一首柬愛伯

答愛伯見贈卽用其韻

和愛伯風雪書感之作

用韻和尚雅珍賢閣學同年移居感懷

夜坐有感

張樵野蔭桓京卿出使米利堅國索詩

與重黎夜話

長歌贈雅珍閣學卽題其隴程吟草  
隨朗齋中丞出都赴山東錄別之作  
出都至長新店

趙北口

富莊驛雪

德州作

齊河作

趙家莊

馬上望對岸何王莊決口

濟陽道中

北鎮

丙戌生日作

張秋作

澤雅堂詩二集卷十六

烏程施補華均父著

乙酉九日袁重黎昶沈子培曾植邀同王逸吾先謙李  
愛伯慈銘及余游崇效寺卽送逸吾江蘇督學余以  
事未赴作詩道意

曹郎有嘉招蕭寺作重九閒居愛其名矧此初晴後霜  
飈拭天鏡纖騎清不受西山瘦露骨蒼碧架窗牖茗香  
延客話菊澹與僧守長吟登高詩滿引送行酒野謀供  
邑獲古義貯今剖愴悽歷物變諧笑遂情厚文星照吳  
分東去觀虎阜太湖三萬頃濤浪落公手甄庸期捷化

拔鋤矜創有訪逸先刻心留歡頻被肘林喧風起良賓  
散日加西走也官事牽良會成孤負低頭治文書閉置  
如新婦幽尋阻飢目快論扼饒口還遭孟嘉笑徒爾參  
軍久憑臨嘲落帽猶得一翹首

偶作一首柬愛伯

現身豈是木居士塵海閉門深復深雙鳥交鳴聊送日  
孤雲無託不爲霖本來曼倩稱朝隱從此宜僚更陸沈

謂愛伯也

纖悉敢爲憂國計窮愁各有著書心

答愛伯見贈卽用其韻

老我胡沙與塞塵白頭未現宰官身空懷笑兀千間屋

孤負支離十束薪憂國方持荷作柱還山應有桂留人  
清霜盡放中庭菊自把寒秋當好春

和愛伯風雪書感之作

滄海波瀾近漸平旄頭仍作五更明譙周老去稱讎國  
樓緩新來議割城聞說載愁船不稅生憎立仗馬猶鳴  
長安亦有成都酒風雪相逢且細傾

用韻和尚雅珍賢閣學同年移居感懷

千里遼陽道路寒書來白髮喜加餐

君二親皆還遼東舊居

移居

仍與蓬萊近報

國從知歲月寬曾惜邊才論魏尚

謂薦人才事

每傷時事比



袁安人言棋槃東堂上客是張樊主是韓

夜坐有感

走馬流沙看劫灰歸來雙鬢雪霜催輪贏局外推棋譜  
冷暖人前試酒杯宦拙欲從盤谷李詩窮聊託宛陵梅  
鄉心夜挂蒼谿樹卻被黃雞喚夢回

張樵野蔭桓京卿出使米利堅國索詩

六合盡開闢始自咸豐中地球九萬里一船東西通四  
溟水交會地球如浮空參差列千國蜂房何玲瓏其間  
大部落晉楚視邶鄘會盟閒征伐略與春秋同百年矜  
製造日覺來者工椎鑿破七竅盡以智巧充盜執陰陽

機起與天爭功赤手造雷霆碧眼量雨風火輪驅鐵艦  
橫海驚蛟龍萬猛鬪千堅攻守奇無窮款關求互市意  
狠詞亦恭邊人小有言往往興兵戎

聖人似天地蛇虎猶兼容蟲沙惜民命戰事常和終曰  
爾邦冢君於國皆鄰封脩睦馳一介樽俎能折衝合眾  
天東南啟宇自乾隆局外事商賈花旗插艤艫皇華  
遣使臣仗節扶桑東挂帆看日出夜半波濤紅

國書尊

帝爾百怪知護從賦詩落機山享客哥倫宮緬懷華盛  
頓豪傑閒氣鍾棄國堯舜讓取國曹劉雄閉戶講富強

兵食久自供羊胛測昏旦馬流哀叟童奔走甲必丹恩  
意相牢籠元精大果菘遭蝕蠕蠕蟲混沌悉披拆窮海  
唯戰攻美哉洋洋乎天末思朝宗

與重黎夜話

憶坐西湖第一樓宵談凜凜氣橫秋十年蹭蹬塵吹面  
百事蹉跎雪上頭石孕木瘦知物病鼠肝蟲臂任天游  
未知滄海橫流處容得飄搖不繫舟

長笑揚雄著解嘲草元寂寞歷三朝青黃尙飾溝中斷  
宮徵猶含爨後焦啖芋救時唐李泌弄丸排難楚宣僚  
神全豈在閒無用已作椒蘭不避燒

長歌贈雅珍閣學卽題其隴程吟草

振筆乃有黑山之峰巒放筆乃有青海之波瀾秦雲隴  
樹縹緲秋毫端使我讀之四坐邊風寒問君何爲跨征  
鞍持節萬里唘呼韓魂歸來兮祭一壇生生長戴天可  
汗胡土克圖黃衣冠撞鐘伐鼓王庭前馬湏羊乳茶同  
煎捧以哈答尊漢官河湟安穩揮歸鞭金城銀夏連秦  
川越釀一斗價五千玉堂才子傾寶筵袖出太華峰頭  
十丈蓮縛爲巨筆題詩篇胡笳羌笛音淒酸吹之欲裂  
聲律安能傳冰蠶成繭如瓊圓抽絲用作琵琶絃上絃  
激激關塞行役之艱難下絃泠泠友朋贈答之纏綿歸

來掃天彗孛形如帚海水羣飛蛟鱷走楊僕虛成南越  
功買臣旋墮東甌守譙周讎國論方興樓緩割城議兼  
取少府錢空製鹿皮天公酒醉分鶉首小臣涕淚

國恩深大風何日能吹垢扶顛須仗不羈才上書薦士  
千官後鸞臺鳳閣浮沉久不如意事常八九此中唯宜  
指其口牛衣語聽王章婦宣武城南尋老醜車如雞棲  
馬如狗略分言情見親厚橫几一編歌四牡西戒山河  
落吾手我昔曾觀崑崙萬古之積雪星宿百尺之層冰  
三十六國楊柳年年春鏡中白髮如霜新功名未合圖  
麒麟賦詩慷慨留行滕倦歸東海看揚塵自憐下界蟻

虱之微臣天門擊鼓恐遇虎豹瞋萬言有策懷未陳李  
邕識面王翰鄰胸中之氣勃勃如雲蒸致君堯舜能未  
能嗟我與公位置非詩人

隨朗齋中丞出都赴山東錄別之作

萬里從征近十霜歸來乍息海波揚兩河戰士熊羆氣  
八桂除書

日月光主簿參軍官未達耽詩愛酒老還狂東西勞燕  
渾無定暫與鵝鸞結輩行

雙槐依舊午陰清旅館淹留百感生會計誰成元祐錄  
詩篇欲繼永貞行九真兵罷憂南服五體碑沈變北盟

箏客酒徒頭半白十年前事話分明

又著征衫出

帝京壯心衰髮負平生爲文自祭田橫島執策空游晏  
子城酒至叨居嚴客列書成還襲罪言名歸心要約凌  
高士子與金蓋山中學耦耕

河水洋洋走百靈欲飄齊魯作浮萍潰隄方慮堯封近  
持節還求禹迹經東國萬家魚尾赤西山一桁馬頭青  
舉茭湛玉非吾事卿月高高映客星

蓬萊高閣倚嶙峋表海中朝遣重臣神獸守山憂左股  
巨鼈掀浪出全身錢鏐自具三千弩毛遂原非十九人

指顧未終浮蜃市重樓翠阜曉霜新

出都至長新店

桑乾河中河水微蘆溝橋雪撲征衣天寒酒薄長新店  
無數城烏向北飛

趙北口

疲驢破帽沿隄走凍日荒荒挂枯柳人言趙北似江南  
連橋十二徘徊久陂湖冰合中流微年少踏冰行似飛  
冰下寒魚不可捉東船西艇鷓鴣飢

富莊驛雪

惜哉壯夫今老衰牙齒四七皆浮危大肉硬餅不敢嚼



輭脆入口如牛嚼檐前飛雪大於掌凋年急景山東馳  
地墟土室伸腳卧此翁兀兀真何爲

德州作

帝念宣防決

臨軒遣重臣冰掀龍口浪雪洗馬蹏塵戎幕身將老征  
途歲又新要書三策獻餘墨繪流民

齊河作

祝河城外日淒淒騎馬徐行十里隄河勢怒穿民舍過  
濤痕高與女牆齊啄冰水鳴無多食視樹村鴉不佳嘯  
列炬合尊歸度歲炊煙幾處望中迷

趙家莊

我來趙家莊乙酉十二月其日值歲除徒旅暫休歇  
峩河神祠恭敬試瞻謁假榻廊廡聞飽食待明發黃河  
凍不流層冰齒齧齧決口泥土新萬鍤乍填缺大隄如  
墮龍鱗甲半已脫民言仲夏初河來萬豕突隄身惡浪  
掀隄腳凶濤齧千丈擺礮礮一瞬若崩豁沿隄三百家  
廬舍倏湮沒男女紛叫號狂走忘顛蹶擲命洪波中魚  
鼈饑相奪人鬼互自疑驚定知存活生理蕩焉盡攜負  
忍分割乞食依遠村臘至無毛褐歸來水消縮沙深埋  
蹊骨門徑咫尺迷彌望但空闊春麥亦未種黽勉營土

窟常恐桃花開盛漲隄難遏死生怯再試魂夢搖兀兀  
聞言爲酸鼻此禍誰貽厥豈曰天爲災人事固亦拙從  
來治胸腹專恃尾閼達何爲學鯨堙阻抑致橫決束縛  
而馳驟馬驚常覆轍稽首告大神蛟龍縱鞭撻洋洋順  
軌流民命續將絕

馬上望對岸何王莊決口

停策看河勢南流萬馬奔樹傾千尺岸浪捲百家村捍  
患虛兵力蠲租望

國恩逃生風雪夜知有未招魂

濟陽道中

村南村北盡黃河急溜驚從屋上過高岸牽船容小住  
餘波齧墓見前和天寒螺蛤供人少日暮龜鼉上樹多  
豆子麥苗無地種如聞官吏尙催科

北鎮

長隄曲處大河迴小市閒門向夕開下水船穿高浪去  
浮天冰似亂山來龍蛇氣雜晴雲暗鴻雁聲多落日哀  
入饌鯉魚長尺半當筵停箸意徘徊

丙戌生日作

五十又加二日短心彌長從戎一星終西陟崑崙岡歸  
來歷燕齊復歎河洋洋洪濤卷墟井魚鼈逐人忙安得

率陽侯歸命百谷王低頭入軍幕久居從事行府主誠  
仁賢凡百諮謀詳小姑輔大婦嫌疑終自防自顧七尺  
軀已如松柏蒼皇天相愛惜宜勝桃李芳摧折固十九  
或者堪棟梁幕中窺天下事變方瀾狂嗟哉覽明鏡頭  
髮堆秋霜牙齒半脫落咀嚼多所妨老妻書數來苦言  
還故鄉辭家爲功名經營周四方功名老未至兒輩嬉  
以荒諸侯充上佐得失甯相償弟子張伊吾侍者瀏陽  
黃日夜望我貴爲

國籌富強觀我形態衰背面時嗟傷兩意各癡絕身世  
終茫茫長風收積雨萬里開斜陽蟲鳥含樂意山水搖

清光此事亦偶然天意誰測量今日我初度且盡亡何  
觴

張秋作

短堰長隄馬度遲黃流滾滾勢難支九河誰據桑欽說  
三策今非賈讓時減竈分兵猶智將決癰治下亦良醫  
麥苗沙壓榆皮盡可奈嗷嗷萬戶飢

澤雅堂詩二集卷十七目錄

張秋題壁

挂劍臺

馬上

乘舟再赴利津

雜題

重過濟陽

東風

行次荏平三十里坡遇雨止宿

丙戌寒食

詩情

夜夢

發賑行

張秋周文忠故宅

同游鐵塔寺謁寺中僧忠親王祠

少陵南池

登濟甯太白酒樓

觀孔道輔擊虵笏

會飲

贈王耔山維國



澤雅堂詩二集卷十七

烏程施補華均父著

張秋題壁

行遍崑崙第幾峰東歸猶聽

鳳樓鐘遠攜疏勒城頭月飽看慈仁寺裏松有願著書  
遺子弟何才平水放蛇龍芋魁豆飯貧家有鄉信難忘  
野味濃

雲衢煙壑舊游多壯不如人老奈何四海共憐增白髮  
二渠還說引黃河市朝頻變新棋局耆艾真成逝水波  
人事天時如有待一揮原上魯陽戈

挂劍臺

一諾無生死思君挂劍時但攜三尺贈不問九泉知高  
義今人少流風俠士爲古臺來戲馬荒草尙離離

馬上

夜雨濕春泥小麥萋已綠雲陰薄未盡隱隱暮朝旭馬  
上數煙鬢遙山翠如沐

乘舟再赴利津

騎馬昨觀河踏冰不踏浪換船二月中頓駭波瀾壯水  
紆布帆卸飯熟沙洲傍夜纜足春雨曉榜驗新漲滄溟  
赤日躍天地開清亮犇騰大溜掀空闊中流放河自決

銅瓦未免逆行澤并兼汶與濟挾走力難抗如舍廣衢  
游聯隊入狹巷初猶舉窪樽注酒多無妨繼乃設仰盃  
稍滿溢其量迴流萬夫怒處處潰隄障沿河一千里村  
落鬱相望比來半淹沒災禍真無妄流尸若萍泛魚腹  
不勝葬

堯憂警未釋鯀堙禍益釀或曰水宜東或曰地當讓或  
曰挽之南故道容游漾或曰道九河禹跡近可訪

虛衷聽羣言

異命求一當乘楂遣天使自下方上上復因章邱決迴  
舟覽情狀悲哉溝中瘠流涕忍相向便宜倘發棠安置

或遷絳羣言誠可采尤在尾閭暢圖海功合施掘地事  
非剗忠臣王尊勇揖客汲黯巖

帝咨與民溺對食心悽愴日斜風更順篷腳正搖颺敲  
枕聽榜師舵樓發高唱

雜題

礮車雲起雨翻河坐覺來船似箭過高浪駕天仍解纜  
平生經歷逆風多

陽侯風伯兩雄豪飛涌黃河一丈高誰信書生更強很  
竟持忠信敵波濤

篙師失色舵師愁如此風波挂席遊東舫西船來往絕

那能顛覆到虛舟

百折千迴總向東  
白頭吟嘯亂流中  
龍公倘有憐才意  
肯把新詩換好風

放船偏遇打頭風  
祇怨書生命最窮  
誰意晚來蓬腳轉  
片帆飛度夕陽中

倦來敲枕聽河聲  
浩浩中流自在行  
彈指乍終三十里  
斜陽未落晚霞生

深處生魚淺產蛙  
沿隄村落浪花家  
如在漁舟住  
過午炊煙數縷斜

鐵門橫海未全開  
滾滾黃流作怒雷  
南北東西河屢轉

逆風時變順風來

已遂平生破浪游  
夜行不息古人羞  
揚帆遲暮收帆早  
分付長風送別舟

蕩盡田廬一物無  
哀哀鴻雁晚相呼  
鄉村莫避官人貴  
來繪流民第二圖

沿隄歸去馬蹏忙  
愁見河流百里黃  
一樹天桃紅的的  
笑揩老眼看春光

纔換輕裘又換棉  
濛濛初柳翠於煙  
長征歷盡冰霜苦  
也到柔風嫩日天

重過濟陽

城陰一河水井底幾人家雲起天連樹風來浪捲沙去  
帆輕過鳥迴岸曲藏虵晝夜防春汎山桃正作花

東風

花柳東風裏朝朝百態新遠游添白髮佳興爲青春  
鳥頻移樹游絲巧趁人及時拚一醉何恨轉蓬身  
行次荏平三十里坡遇雨止宿

春郊一夜雨點滴在農心苗湧麥畦翠花浮菜圃金亂  
流憂路斷疲馬怯泥深野店堪投止勞歌酒自斟  
支牀磚帶潤糊壁紙生光傍樹看新雨穿雲漏夕陽呼  
羣雞上屋摩癢馬依廊我已浮名誤無勞饋五漿

丙戌寒食

落日鳥聲喜遙山闕晚晴四青天際出萬絲雨餘生斷  
壁痕猶濕昏燈暈已輕唯多邱墓感客裏幾清明

詩情

心事年年換詩情自不同悲歡分夜雨老少各春風高  
柳折還綠晚花開更紅唯應淹道路慚對鹿皮翁

夜夢

夜夢黜丈夫騎龍入我宅森然下階揖與我爲主客從  
者玄衣巾三五侍其側舌動波濤翻大聲搖屋壁問客  
果誰歟自命爲河伯聞名起恭敬對語加誚責上帝處



九閩好生以爲德視民尤如子中國子居嫡河伯亦帝  
臣順軌乃勤職胡爲縱黃流四潰不可塞齊魯今左輔  
匪近鮫人國臨河千百村養命資魚麥何辜遇漂蕩身  
家供一擲蠕蠕萬裸蟲恣飽蛟虵食冤魂血面論汝罪  
安能釋河伯曰否否余忍民淪溺年來齊魯官治水真  
無策東溟在其東瀕洞甯有極掘地而注之條達勢不  
格洪流適所性豈肆猖狂力嗟哉尾閭壅欲出多阻隔  
急來憂緩去復以隄防迫逐虎狹巷中致死反相辭  
皇仁過有虞未試羽淵殛殃咎有所歸君顧重余謫神  
言誠自辯水患將誰息夢覺風颯然擁衾長太息

發賑行

瀕海地形如釜底州縣十年九遭水沿河村聚浪卷空  
往往蛟虵入城市飢民千萬餘皮骨顧戀舊居忍流徙  
宮中聖人盱未餐活此一方宣

詔旨大府文書下州縣戶口編排今有幾輦錢載米往  
賑之殘生或自溝中起州縣戶口密編排男女大小姓  
誰氏發賑數少請賑多虛名半入私囊裏吏來得賄給  
錢米無賄合家唯餓死大府如天難訴陳吞聲拭淚長  
已矣常時租賦已取贏遇災官吏加肥美龍公河伯應  
反脅德我不遑甯咎誅日月上照爾心此錢曾足貽

孫子官誅幸貸鬼責虛我作歌詩猶信史

張秋周文忠故宅

昔習遷固書頗恠傳酷吏到都一蒼鷹搏擊以爲治猛  
政出公廉單于猶見忌國僑尙火烈豈曰非遺惠京兆  
稱趙張王霸終不濟寬猛皆愛民施設視其地佛相變  
夜又實用慈悲意桓桓周文忠宦績殊峻厲起家令牧  
中顛躓仍高位奮髯朱子元嫉惡如風利江淮多盜巢  
探丸爲常事吏懦互諱匿日久不可制居民唯目憚行  
旅尤心憐有時遭魚肉隱忍誰敢議公執惡少年一一  
按名字斃之棗木杖流血波濤沸輕者入牢獄琅璫終

歲繫略如嚴延年巨穴長幽閉家家安枕卧父老言垂  
涕鄰封幾豪暴搖手走相避囊無百金資刻苦老自勵  
嚴能拒關節勇不畏權勢彈劾滿朝端孤忠感

先帝上殿陳巖言往往

天顏霽衰晚仗威名屢作三軍帥討賊雖無功厲鬼還  
自誓身歿廿餘年故宅已荒廢諸孫懶讀書遺烈漸零  
替張湯七葉貂孰謂多殺致世無威鳳皇剛蟲抑其次  
騎馬過門闔思賢發深喟

同游鐵塔寺謁寺中僧忠親王祠

鐵塔亭亭立僧廬得地偏幽棲眞竹逸清話亦茶禪鈴

語晴逾澈經聲靜更圓上堂參石佛字認武平年  
中興多宿將異姓出名王報

國兼甥舅憂時尙虎狼

內廷留伎衛絕地痛彭亡祠宇瞻遺像莘莘俎豆光

少陵南池

歡娛東郡趨庭日灑落南池放棹時一日聲名三禮賦  
兩京烽火八哀詩椶枯橘病生涯拙菱熟蒲荒景物移  
祠宇百年興廢異

天章唯讀道旁碑

登濟甯太白酒樓

山不必敬亭橫水不必宛谿繞南北崢嶸兩酒樓任城也似宣城好龍鍾賀蘭翁旗亭充酒保李白來飲之醉作玉山倒千載因傳賀李名樓頭風月乾坤少四明狂客令任城向壁何人語虛造長安市上醉眠時兩賢一笑初相知宜春苑裏薦供奉訶斥力士如小兒季真太白皆仙侶要借風流耀邦土猶勝南池杜少陵佳句唯酬許主簿兩賢鴻冥千百秋泥上指爪何拘留卽將大白誤作賀亦如呼馬旋呼牛人間何處無酒樓酒樓各有賢豪遊生前賓客春雲稠死後才名逝水流王侯將相貉一邱長繩難繫姓氏留仙人逸氣橫六合勝地酣

情付一漚後人好事仙人笑茲樓興廢雲悠悠我來獨  
坐樓上頭了了齊魯蒼煙收新詩還堪庾開府並世卻  
遇韓荊州

謂朗公  
中丞

青天白日騎鯨至萬一憑軒共獻酬

### 觀孔道輔擊虵笏

虵有神託真武虵無神逢道輔州將鞠躬諸吏俯起而  
擊之推官怒嗚呼此笏利於斧一虵之妖安足數滿堂  
駭汗流如雨君不見羅崇勳穴社鼠曹利用負嵎虎彈  
劾二奸猶二豎虵有何靈敢予拒七百餘年血濡縷木  
質堅完永不腐傳之子孫藏之府犬孽狐祥孰輕侮  
會飲

鷓鴣猶得一枝棲旅鳳羈鳳意轉悽觀局每嗟棋未定  
合尊聊復酒同攜山雞對鏡還張翅棧馬聞鈴尙奮蹄  
留滯周南吾老矣鐙前唯辨醉如泥

贈王耆山維國

男兒失意時乾坤如鼠穴四向隘而妨坐爲天下拙身  
游羿彀中十矢九虛發積薪居其下後來皆上列誰歟  
播弄是無乃命薄劣顛倒英奇流磨人似磨鐵歲月銷  
雄心車馬挫健骨富貴如死灰垂老尙投謁有田甯不  
歸媿與耕忙說冬夏相代序天運可平閱丈夫窮不死  
有若儀存舌大風將吹垢詎夢半身熱齒肥四十年蔡



澤應鼻折小人主父橫元老方叔烈滔滔天下事狂瀾  
怒犇突了了眼中人砥柱幾才傑偪仄萬里行潦倒九  
年別短褐風塵中自愛待勳伐忍持千尺冰輕換一腔  
血

澤雅堂詩二集卷十八目錄

作書

余留滯任城清游閒詠秦小補根發洪叔雨之霖  
穆金泰熙卿各有和章作此答之

致疑

韓退之感春詩有我恨不如江頭人一篇今仿爲  
之

十數年前封邱何吟秋刊近詩十家曰舊雨集而  
余與焉九人者均已物故山陰陳畫卿錦作詩  
集題詞傷悼及余蓋余與吟秋畫卿皆知名未

識余又遠之疏勒蹤迹杳然遂據傳聞以爲化  
去耳今年六月與畫老晤於濟南畫老賦詩正  
悞方之海外東坡作此答之此五百年後故實  
也

與子相曉泛大明湖

與臧沈兩生珍珠泉夜坐

陳畫卿招飲歷下亭賦詩紀事並邀王籽山裘曉  
華趙叔畋同作

贈李笏山耀南

春閒隨朗公中丞巡河至章邱界晤吳大令康之

寶三六月康之至會城謁中丞授詩贈余作此  
答之

同曉華籽山子相游鐵公祠卽席作

丙戌九日題畫卿九日千佛山登高詩卷

夜坐

絕句

河神多著靈異栗恭勤公其一也載在祀典信不  
可誣利津冬月築隄恭勤陟降作此詩以禱之  
奉檄修培利津隄工作

家人來

澤雅堂詩二集卷十八

烏程施補華均父著

作書

閉門兀兀春光盡  
犀首拚爲無事飲  
騏驥伏櫪駑服箱  
踈蹠奮鬣情難忍  
架上蠻箋如束筍  
老筆藏鋒墨留瀋  
書成盤屈精神緊  
字字秋虵鬪春蚓

余留滯任城清遊閒詠秦小補根發洪叔雨之霖穆金  
泰熙卿各有和章作此答之

白也仙人甫也聖  
任城千載留名勝  
吳興倦客晚賦詩  
二老直須奴僕命  
古佛浮屠證歲年  
名王遺廟生恭敬

百事蹉跎老漸來一春留滯緣前定文章技痒不自藏  
有類木瘦兼石孕聯翩珠玉九天飛方叔未知憐物病  
折楊皇琴偶一歌大聲繼起驚羣聽人生難得聚萍蓬  
清游各以新篇媵閒曹散秩盡詞流才華信忌功名盛  
李杜空爲一世豪賀公許簿無佳詠雲臺何處覓丹青  
熙卿贈詩有努  
力雲臺之句藝海還思拾殘賸眼花頭白合投閒腰  
瘦難堪折如磬

致疑一首

君谿先生方任運桐鄉孤士來致疑莊生誠譏物於物  
崩通要識時平時潛虬張鱗海水立病鶴刷羽天風墮

眼花頭白乏歸計事機一去君胡爲

韓退之感春詩有我恨不如江頭人一篇今仿爲之  
我恨不如鄉曲老布衣粗完食纔飽婦姑養蠶男種田  
家事經營恃翁媪官租已納私債償伸腳夜眠到天曉  
春秋作社齒最尊鄰里生兒手親抱機心不設長渾沌  
禮數相寬任顛倒榻來俯仰喪吾真天全祇有爲農好  
我恨不如買人子快馬輕車朝入市十萬黃標百紫標  
居貨如山須價美胡商交易語嗚呼禮拜爲期貨爲抵  
聲勢關連稅務司豪華傳播新聞紙吹彈絕技蓄妖姬  
文墨虛名豢才士白頭歎息府中趨多錢何用求從仕

我恨不如大和尚名山一席誰能抗眼明早識摩登伽  
心細常參秘密藏啞羊墮龍何紛紛地獄隨時談變相  
夜半傳衣忽有人本來無物心何障喬木參天不礙雲  
澄潭澈底甯生浪世途偈仄客懷悲默坐觀空思一放  
十數年前封邱何吟秋刊近詩十家曰舊雨集而余與  
焉九人者均已物故山陰陳晝卿錦作詩集題詞傷  
悼及余蓋余與吟秋晝卿皆知名未識余又遠之疏  
勒蹤迹杳然遂據傳聞以爲化去耳今年六月與晝  
老晤於濟南晝老賦詩正悞方之海外東坡作此答  
之此五百年後故實也



誰將死後名爲我生前定流連數篇詩歎息搜殘剩多  
窮本其例老壽兼無命廁我騷魂閒憑弔發孤詠此意  
實憐才聞之感且敬文采沒世存眼見還自慶書生負  
奇志投筆事鞭鐙西上崑崙邱飽看桃花盛千巖太始  
雪自濯詩腸淨胡城三十六動寄登臨興悠悠一星終  
海內湮名姓遂疑孟郊逝題竹雙淚迸歸來掀髯笑息  
我天猶吝詩如春蠶絲宛轉吐未竟肯令遽作繭圓滿  
功先證公效環釋言復出新篇贈甯知傷逝作沈痛情  
尤勝九賢皆鬼錄才燄留餘燼皇天遺老物摧折氣愈  
勁諸侯充上佐霜雪堆雙鬢功名似浮雲來去我亦聽

木瘦與犀通近更知物病文章千古事加損何關性要  
當晚聞道一息爭精進雕蟲媿壯夫揚雄識自正

與子相曉泛大明湖

煙水澹無極方舟乘曉涼荷花似嬌女初日倚新粧鷗

鷺舊相識亭池今已荒廿年觴詠侶好在鬢如霜前游

筱農劉子彝  
今已物故

與臧沈兩生珍珠泉夜坐

溽暑晚未收齋居情鬱快臨流一徘徊聊作習池想白  
石淨如拭朱闌危欲傍水光漾人衣樹頂月初上澄潭  
明徹底近照此心朗羣行魚可數遊戲未識網負露螢

暗飛棲煙蟲對紡雖無飄搖風已覺秋氣爽造適甯及  
俳賦詩示吾黨

陳晝卿招飲歷下亭賦詩紀事並邀王籽山裘曉華趙  
叔畋同作

齊州七二泉徧飲十萬戶滙流城北隅千頃煙濤阻雅  
游命船舷勝構臨州渚甫也天寶初已歎此亭古悠悠  
更千年興廢誰能數何況亭中人須臾對樽俎卻從須  
臾閒變幻景全覩初筵進菱藕曖曖日亭午青荷搖萬  
柄芳氣襲酒脯娉婷兩三花如著紅衣舞飛來雙翠鳥  
花下刷毛羽浮浮近水廊與客相媚嫵酒闌言論雜莊

滄均有取飄搖萬里風軒窗掃殘暑羅衣耐涼薄愛此  
茶潑乳風止雲冥冥蒼波挾餘怒移船鐵公祠佳興同  
一鼓微陰天更好淺醉力尤努回風吹倒人咫尺飛雷  
雨延緣蘆葦中港汊迷處所昏煙聚復散斜日騎還吐  
雄虹掛天末粲若五色組水天頓披豁過眼難追撫百  
歲亦須與須臾幻如許寸心有天游萬境一仰俯誰爲  
北海李孰是少陵杜流連賦新詩各有賓與主安知後  
視今閒鷗聞此語

贈李笏山耀南

少年鷹隼與摩空誰意虞人暗引弓摧折漸添雙鬢雪

扶搖猶盼九霄風，黃塵烏帽驅馳裏。白日青雲感慨中，  
知己中興諸將帥。墓門秋草已成叢。

雙趺眞帶九州煙，八口難求二頃田。前輩飛騰今已矣，  
醉人推罵意欣然。久將薺美齊荼苦，至竟芝焚得蕙憐。  
我意東郊收瘦馬，駑駘十駕未能先。

春閒隨朗公中丞巡河至章邱界晤吳大令康之寶三  
六月康之至會城謁中丞投詩贈余作此答之

漢使尋源往復回

中丞巡河自下而上復奉命履勘何王莊決口重至下游

孤城

如斗浪成堆，龍蛇氣橫關。天意鴻雁聲，稀見吏才小。史  
投籤量水報大隄，打鼓候船開。旌旗影裏，怱怱揖笑指。

黃流竹箭催

雙鳧來向府中趨爲上監門第二圖百雉但餘三版在  
千金能換一壺無方船載粟噉飢待斷岸寧爰選壯俱  
投我非關桃李好春陵一樣意躊躇

同曉華籽山子相游鐵公祠卽席作

秋氣中人病非病水光寫我仙乎仙閒邀僕射幕中客  
偶繫尙書祠下船蒹葭初絮雪未亂菡萏晚花風更妍  
滄浪別榭一樽酒心與白鷗同浩然

丙戌九日題畫卿九日千佛山登高詩卷

六年葱嶺五登高余己卯三月出關抵喀什噶爾甲戌五月東還萬里歸來感

鬢毛歷下名山皆畫本越中仙吏盡詩豪

畫卿立吾皆紹興人

前

游空對山翁菊

卷中人有下世者

佳節重持吏部螯我意正須

開口笑千崖秋氣日蕭騷

夜坐

隱几垂簾閣子涼輝輝殘月在西廊鳴蛩似訴秋深淺  
刻燭閒量夜短長回首湖山思酒伴側身天地託詩狂  
金丹燒就黃河塞無藥能銷兩鬢霜

絕句

蒼上先生兩鬢絲秋來種菊滿階墀霜天抖擻看花興  
桃李春風各一時

河神多著靈異粟恭勤公其一也載在祀典信不可誣  
利津冬月築隄恭勤陟降作此詩以禱之

神龍倏變化何必不蛇形神人遞隱見何必不龍名生  
爲人中龍力捍黃河平歿爲龍中人風濤驅百靈恭勤  
靳張後灑澹功有成拋磚出新法足鬪千雷霆百年績  
未遠弭節時巡行左揖金華朱右挈湘潭陳正氣扶  
本朝現身如使星父老相識孰能說公性情千春萬鍾  
閒簫管常送迎冰天興此役事苦任匪輕公來相哀憐  
豈曰通精誠願助築隄障堅若十仞城渤海萬赤子永  
免魚頭生晴日手足暖來往騰歡聲華也未足顧公念



飢疲民

奉檄修培利津隄工作

洗脚黃河發源處坐觀萬派東流去東流北折涌泥沙  
勢吞齊魯波濤怒誰施大手決尾閘鐵門開闢容犇注  
吁嗟下策事隄防畚鍤如雲勞指付

騎馬出門風獵獵高樹空枝鳴敗葉修隄卻似龍蜿蜒  
倔強泥沙脫鱗鬣千夫百夫兒郎偉東西春土聲相接  
小臣敢上治河書但效司城扶徒卒

修隄一潰巨溜趨鹽河水深尺有餘小船來往但輕載  
大船動作陷淖車百丈邪許十夫力逆風萬竅還號呼

三里五里日已墮嚴程安得徵官符

西村東村窮獨叟短布單衣露兩肘日出負土日入休  
無藥能令不龜手西風蕭蕭狐腋薄往來杖屨沿隄走  
歸思下戶缺糟糠圍壚忍縱亡何酒

家人來

出門十二年離家三萬里玉關幸生入猶未一歸視前  
年與朝官日醉長安市去年隨尙書齊魯分行水妻孥  
遠來省在道不可止舟車經月餘行抵濟南矣余從渤海  
還登堂雜悲喜老妻今更老形變語音是揩眼認余  
面鬚鬢白如此憶昔出門時阿詒九歲耳阿嫻始扶牀

阿振嗁懷裏日月真悠悠阿詒已抱子嫻振皆長成婚  
嫁急難俟問孃始識爺再拜掖之起紛紜話家事端緒  
亂誰理置酒且爲歡團藥今日始

歡飲初不多情至面顏熱罷酒更圍坐秉燭語未歇問  
我十二年萬里從征伐勞苦非人情事過不堪說女孫  
置膝上黎粟爲陳設強令呼作翁吳語久調舌玩笑亂  
人問此意最悽絕膠膠牆頭雞濼濼屋角月就枕夢難  
成輾轉失眠節

舅氏八十五健步不須筇百事如壯年但苦雙耳聾日  
夜思一見竟與家人東見我呼乳名視若三尺童頗憶

抱汝時今汝爲人翁抱汝子與孫三代躍懷中牙齒雖  
盡墮骨髓猶未空喜談少小事嘉慶湖乾隆水陸能遠  
來尙不嗟龍鍾泉下念吾母淚落鐙花紅引樽勸舅氏  
彷彿留音容

幼女語啞啞如畫好眉目老妻顧而笑何用出吾腹含  
飴手弄之愛此一塊肉小婦堂下拜憐惜甯致毒無子  
是流星有女月當胸乳抱得長成三五月圓足牙牀有  
錦被隱匿無不覆堆盤出甘橘開箱理華服親爲幼女  
賜吉語還相祝

故鄉諸親友歷歷記其面小別十四年人事亦屢變老

妻一一數凋喪足悲嗒逝者無奈何生存猶可念望我  
如雲霄下里嗟貧賤東來下船初相送十里店不知他  
年歸老少幾人健殷勤謂舅氏努力加餐飯留公如碩  
果一日十回見